

Акафист преподобному Герману Аляскинскому

Кондак 1

Избранный чудотворче и преславный угодниче Христов, богоносне отче наш Германе, Аляски украшение и Церкви Православныя радование, воспеваем ти похвалы сия. Ты же, яко Небесный наш покровитель и всемогущий пред Богом молитвенник, не престаи ходатайствовать о нас, чадах твоих, усердно тебе вопиющих: Радуйся, преподобне отче наш Германе, преславный чудотворче.

Икос 1

Ангелов Творец предызбра ты, отче Германе, проповедником быти православныя веры в землях новых и посла ты, яко благовестника, ко язычником, да возсияет им свет Истины. Благодарнии же людие воспевают тебе, яко Небесному покровителю, похвалы сия:

Радуйся, пустынею Саровскою издѣтка возвращенный;

радуйся, Валаамския обители отрасли пречестная.

Радуйся, пустынное уединение возлюбивый;

радуйся, Божию Материю от смерти спасенный.

Радуйся, апостолов последователю;

радуйся, свет истинныя веры во Америку принесый.

Радуйся, Фаворским светом озаренный;

радуйся, тьму идолослужения Христом просветивый.

Радуйся, преподобне отче наш Германе, преславный чудотворче.

Кондак 2

Видя Господь пламенную любовь твою, еуже от юности возгорѣся, преподобне, во обитель Саровскую Ему единому послужити приведе ты, последи же на остров Валаамский путь твой управи, идеже в сонме иноков ты воспевал еси неустанно: Аллилуиа.

Икос 2

Разум духовный тебе от юности даровася, святче Божий, да уразумеши красоту небесную и сладость ея. Сего ради от премудраго игумена Назария, наставника преподобнаго Серафима Саровскаго, поучался еси премудрости Божией и путем Господним, темже Свята́я Църковь восхваляет тя:

Ра́дуйся, в де́брех саровских ста́рцу пусты́ннику послу́живый;
ра́дуйся, с преподо́бным Серафи́мом еди́наго наставника имевый.

Ра́дуйся, я́ко пчела́, от вели́каго Феодо́ра духовный некта́р в Санакса́ре собра́вый;

ра́дуйся, во пресла́вную оби́тель Валаа́мскую на по́двиги прише́дый.

Ра́дуйся, я́ко тезоимени́тому тебе́ Ге́рману, первонача́льнику Валаа́мскому, свя́тостию уподо́бился еси́;

ра́дуйся, я́ко по́двиги пустынножи́тельския подъя́л еси́.

Ра́дуйся, за кро́тость и ти́хость бра́тиєю валаа́мскою почита́емый;

ра́дуйся, ны́не все́ю Църковию прославля́емый.

Ра́дуйся, преподо́бне о́тче наш Ге́мане, пресла́вный чудотво́рче.

Кондак 3

Си́ла Вы́шняго повеле́ богому́друму Петро́ва гра́да святите́лю Гаври́лу послати́ пропове́дники правосла́вныя ве́ры в зе́млю Аляски́нскую и тебе́, преподо́бне Ге́мане, сей жре́бий апо́стольский при́яти. Темже вси лю́дие, просвеще́ннии све́том Христо́вым труды́ тво́ими и о́бразом жити́я твоего́, воспéша Бо́гу:
Аллилу́иа.

Икос 3

Име́я не то́кмо тща́ние о по́двиге ино́честем, но и ре́вность апо́стольскую в пропове́дании, ты, преподо́бне Ге́мане, лю́дем, во тьме язы́ческаго неведе́ния сидя́щим, Христа́ распя́таго и

воскрéсшаго возвестíл есí. Поминающе́ убо́ и́ночская бдéния тво́я и труды́ апóстольския, с любóвию восхваля́ем тя:

Рáдуйся, безрóпотное послушáние игúмену явívый;
рáдуйся, в путь дáльний прóповеди рáди евангелския отшéдый.

Рáдуйся, любвé ко отéчеству не угасívый;

рáдуйся, нóвое твоё отéчество пла́менне возлюбívый.

Рáдуйся, и́ноческаго житiя́ во Амéрице первоначáльниче;

рáдуйся, правослáвныя вéры рéвностный проповéдниче.

Рáдуйся, óбразе преподóбных обíтели Лáдожския;

рáдуйся, Сéверныя Фиваíды óтрасле, во Аля́ске процветы́й.

Рáдуйся, преподóбне óтче наш Гэрмане, преслáвный чудотвóрче.

Кондак 4

Бúрю злых напáстей и скорбéй претерпéл есí, преподóбне, и пóдвигом дóбрым во странé нóвей подвизáлся есí, сегó рáди и Христóс тя прослáви и дáром прозрéния и чудес обогатí и даровá тебе́ Цáрство Небéсное, иде́же ты со А́нгелы воспева́еши Бóгу: **Аллилу́иа**.

Икос 4

Слы́шаще о чудесéх тво́их, лю́дем явлéнных, егда́ óгненное запалéние и наводнéние губítельное ты останóвил есí молítвою своéю, вси лю́дие умиля́хуся сéрдцем. Мóлим тя и нам явítи сíлу твою́ и пóмощь, к тебе́ вопи́ющим:

Рáдуйся, богопроповéдниче, рéвностию твоéю нас вдохновля́й;

рáдуйся, боголю́бче, срдцá нáша рáдостию исполня́й.

Рáдуйся, за всех уныва́ющих тéплым молítвенниче;

рáдуйся, душ смятéнных преслáдостный умирítелю.

Рáдуйся, я́ко смирéнием тво́им подаéши стра́ждущим исцелéние;

рáдуйся, я́ко крóтостию твоéю окрыля́еши дúши нáша во éже созерцáти гóрняя.

Ра́дуйся, твёрдый вразумителю всех отше́дших от Правосла́вия;
ра́дуйся, любóвию твоёю направля́й нас на путь пра́вый.

Ра́дуйся, преподо́бне о́тче наш Ге́рмане, пресла́вный
чудотво́рче.

Кондак 5

Я́ко звезда́ во странé полунощней возсия́л еси́, преподо́бне, на
о́строве Ело́вем, Но́вый Вала́ам наречённем, да озари́ши све́том
любвё твоея́ и богомо́щною моли́твою твоёю всю зёмлю
Америкáнскую, да со всех конце́в ея́ лю́дие правосла́внии воспою́т
те́пле Бо́гу: Аллилу́иа.

Икос 5

Ви́дяще смире́ние твоё, о́тче наш Ге́рмане, вси дивля́хуся зело́,
ка́ко ты, преподо́бному Анто́нию Пече́рскому, первонача́льнику
мона́шества на Руси́, подража́я, восхотёл еси́ просты́м ино́ком бы́ти
и по вели́кому смире́нию твоёму́ от служе́ния священническа́го
отре́клся еси́. Сего́ ра́ди взыва́ем ти тако́вая:

Ра́дуйся, первонача́льниче мона́шества во Аме́рице;

ра́дуйся, смире́нием небёснаго Оте́чества дости́гнувый.

Ра́дуйся, небёсною сла́вою увенча́нный;

ра́дуйся, оби́тель на месте по́двигов твои́х предреки́й.

Ра́дуйся, мо́щи твоя́ предрече́нной оби́тели дарова́вый;

ра́дуйся, исто́чник чуде́с от них ми́ру яви́вый.

Ра́дуйся, защи́тниче те́плый бра́тии, тобо́ю собира́емая;

ра́дуйся, ино́ком вождь ве́лий на бра́ни невидимой.

Ра́дуйся, преподо́бне о́тче наш Ге́рмане, пресла́вный
чудотво́рче.

Кондак 6

Пропове́дует пусты́ня се́верная по́двиги и чудеса́ твоя́,
преподо́бне, и ты, я́ко но́вую ветвь виногра́дника Це́ркве Ру́сская,
на земли́ Америкáнстей прозя́бшую, прославля́ет. Ты бо де́бри
Аля́ски и леса́ ея́ моли́твою твоёю облагоуха́л еси́ и, подви́жником

древним подражая, в безмолвии ночнем зывал еси к Богу:
Аллилуиа.

Икос 6

Просветивый людей, во тме язычестей пребывающих, и образ подвижническаго жития сим показавый, молися о всех нас, богосне отче наш Германе, да и мы, благодаряще Господа за милость Его, нам явленную, непрестанно воспеваем ти похвальныя сия глаголы:

Радуйся, Пресвятая Троицы служителю верный;
радуйся, пустыни Еловыя подвижнице усердный.
Радуйся, щит веры живыя и разумныя всем подавая;
радуйся, тму светом евангельским просвещая.
Радуйся, яко суету и уныние богомыслием отгнал еси;
радуйся, яко убога себе именуя, смирению всех поучал еси.
Радуйся, сердца наша радостию твоею исполнимый;
радуйся, надеждою благою нас укрепивый

Радуйся, преподобне отче наш Германе, преславный чудотворче.

Кондак 7

Хотяи возсияти свету богопознания во стране язычестей, благоволи Господь сеяти семена веры православныя и повеле тебе, преподобне, да всех научиши вере истинней и защитиши ю. Ты же, яко пастырь безстрашный малому стаду евангельски зываеши, да не убоимся, яко обетовано есть нам Небесное Царствие, темже наученнии тобою, радостне поем: Аллилуиа.

Икос 7

Дивно в вышних молитвенно пребывал еси, преподобне, но и в нижних на земли сущих не забывал еси, наипаче же о сиротах велие попечение явил еси, устрояя приют им и училище, идеже заповедем Господним поучал еси их. Сих ради трудов твоих прими от нас похвалы сия:

Рáдуйся, н́щих и сирóт защ́тителю;
рáдуйся, б́лагостный о них попеч́ителю.
Рáдуйся, я́ко стра́ху Бóжию ча́да своя́ научáл еси́;
рáдуйся, я́ко живóю водо́ю Евáнгелия всех напо́ял еси́.
Рáдуйся, моли́твы непреста́нныя учи́телю;
рáдуйся, хлéбом небéсным и земн́ым сиропита́телю.
Рáдуйся, плóть покоря́ти д́ху поучáвый;
рáдуйся, Бóга всем сéрдцем люб́ити наста́вля́вый.
Рáдуйся, преподóбне óтче наш Гéрмане, преслáвный
чудотвóрче.

Кондак 8

Стрáнное ч́удо яви́ человеколюбец Господь, даровá бо тебе́,
преподóбне, дар прозр́ения и исцел́ения я́ко истóчник утеш́ения
лю́дем Своим. Ты же свои́ми и словесы́ привёл еси́ мно́гия к любви́
Бóжией. Тёмже сия́нием пóдвигов твои́х просвещ́ении, лю́дие
взывáху ко Гóсподу: Аллилу́иа.

Икос 8

Избрáн Бóгом был еси́, óтче преподóбне, тёмже лю́дие
новопросвещ́ении свéтом Христóвы вéры притека́ху к тебе́ в
болéзнях и печáлах. Ты же, я́ко о́тец чадолюб́ивый,
предста́тельствовал еси́ за всех в моли́твах, источáя исцел́ения и
утешáя всех, к тебе́ о пóмощи вызывáющих, тёмже сла́вляху тя
духóвная ча́да твоя́:

Рáдуйся, душ смят́енных умир́ителю преслáдкий;
рáдуйся, врачу́ наш безмéздный и благодáтный.
Рáдуйся, нéмощей на́ших цел́ителю милосéрдный;
рáдуйся, в бедáх и обстоя́ниях помóщниче скóрый.
Рáдуйся, лиш́енным кро́ва тёплое прибе́жище;
рáдуйся, обурева́емым, я́ко «Скала́ Мо́нашеская», т́хое
приста́нище.
Рáдуйся, грядúщая я́ко настоя́щая прови́девый;
рáдуйся, прегреш́ений сокровéнных облич́ителю прозорли́вый.

Ра́дуйся, преподо́бне о́тче наш Ге́рмане, пресла́вный чудотво́рче.

Кондак 9

Всего́ себе́ Го́сподеви пре́дал еси́, блаже́нне, те́мже со А́нгелы в пусты́ни сла́достно бесе́довал еси́. И ны́не с ли́ки а́нгельскими на Небесе́х непреста́нно взыва́еши Творцу́ всех и Созда́телю хвале́бное: Аллилу́иа.

Икос 9

Ветии́ многовещáннии не возмо́гут исчíслити чудеса́ тво́я, лю́дем явлéнная, я́ко и ду́си нечíстии по словеси́ тво́емú от люде́й страждущих исхожда́ху. Егда́ же бысть наводне́ние вéлие, ты моли́твою сво́ею пред ико́ною Бо́жия Ма́тере остано́вил еси́ мо́ре, глаго́ля: «Да́лее се́я черты́ не пре́йдет вода́». Те́мже ти воспева́ем си́це:

Ра́дуйся, стихии́ водны́я усмири́телю дивный;

ра́дуйся, от запале́ния лесна́го изба́вителю пресла́вный.

Ра́дуйся, святите́ля Иннокéнтия, в мо́ри взыва́вшего к тебе́, услы́шавый;

ра́дуйся, по мо́рю пла́вающим ко́рмчий наде́жный.

Ра́дуйся, я́ко гнев злых люде́й ти́хостию исправля́л еси́;

ра́дуйся, я́ко дивное благоухáние с небесе́ к тебе́ прибега́ющим ниспосы́лал еси́.

Ра́дуйся, вéлия зна́мения при жи́зни тво́ей показáвый;

ра́дуйся, и по сме́рти тво́ей мно́гая чудеса́ явívый.

Ра́дуйся, преподо́бне о́тче наш Ге́рмане, пресла́вный чудотво́рче.

Кондак 10

Спаси́тельнаго се́яния Госпо́дня, в вертогра́де земли́ Америкáнскаго насажде́ннаго, плод краси́вый ду́хом провída, песнь благодарственную́ Пресвяте́й Трoице посреде́ пусты́ни се́верныя

возно́сил еси́, о́тче святы́й Ге́рмане, и со А́нгелы небе́сными взыва́л еси́: Аллилу́иа.

Икос 10

Сте́на еси́ всем, прибега́ющим к тебе́, о́тче, я́ко в жити́и твоём пресла́вная показа́л еси́, и при кончи́не твоёй дивное чу́до яви́л. Лю́дие же, ви́дяще в час кончи́ны твоёя́ о́гненный столп до небесе́ и нетле́ние телесе́ твоёго́, возопи́ша тебе́ тако́вая:

Ра́дуйся, пра́ведною кончи́ною в свя́тости твоёй нас уве́ривый;
ра́дуйся, я́ко восхожде́ние твоё на небеса́ столпо́м о́гненным зна́менася.

Ра́дуйся, я́ко и гроб твой недужным исцелёния источа́ше;
ра́дуйся, мо́щи тво́я благоуха́нныя в насле́дие нам оста́вивый;
Ра́дуйся, я́ко у ра́ки твоёя́ хроми́и воста́ша и глас твой из гроба́ слы́шаша.

ра́дуйся, я́ко исто́чник воды́ святы́я и целёбныя нам дарова́л еси́.
Ра́дуйся, я́ко ста́рцу Ге́расиму яви́лся еси́, на Ело́вый о́стров то́го призыва́яй;

ра́дуйся, та́инственно, я́ко живы́й, на о́строве сем пребыва́яй.

Ра́дуйся, преподо́бне о́тче наш Ге́рмане, пресла́вный чудотво́рче.

Кондак 11

Пе́ние хвале́бное тебе́ прино́сим, о́тче преподо́бне, о пра́веднем жити́и твоём. Восхваля́ем и честну́ю кончи́ну твою́, я́ко предузна́л еси́ час преста́вления своего́, учени́к же твой Ге́расим обоня́л есть благоуха́ние дивное в час той. Пресла́вно бысть и погребёние твоё, егда́ испо́лнися предре́ченное тобою́. Мы же воспева́ем чудодо́ющему Бо́гу: Аллилу́иа.

Икос 11

Светопода́тельный свети́льник был еси́ все́му ино́ческому чи́ну да́льния Аме́рики, преподо́бне о́тче наш Ге́рмане, науча́я по́двигу, защища́я от напа́стей, ходата́йствуя о них и глаго́ля: «Не в морски́х

то́кмо волна́х обу́реваемся, но среди́ преле́стнаго и мно́гмяте́жнаго ми́ра стра́ждем и скита́емся, оба́че к небе́сному на́шему Оте́честву гряде́м». Сего́ ра́ди вопие́м ти:

Ра́дуйся, ве́рный сподви́жнице Иоаса́фа, пе́рваго епи́скопа Ру́сския Аме́рики;

ра́дуйся, свидете́лю ре́вности Иуве́налиевы да́же до сме́рти.

Ра́дуйся, алеу́та Петра́ пронареки́й новому́ченика;

ра́дуйся, предви́девый святите́льство Иннокенти́я в землі Алеу́тстей.

Ра́дуйся, ученику́ своему́ Серге́ю о́браз ино́ческаго жити́я показавый;

ра́дуйся, ино́ка Герасима́ на Но́вый Валаа́м чуде́сно призва́вый.

Ра́дуйся, на Руси́, безбо́жием пленённой, Адри́ана пресви́тера от темни́цы оградивый;

ра́дуйся, святите́ля Ио́анна тебе́ просла́вити подвигну́вый.

Ра́дуйся, преподо́бне о́тче наш Ге́рмане, пресла́вный чудотво́рче.

Кондак 12

Благода́ти испо́лнена ве́дуще ты, преподо́бне о́тче, про́сим: моли́ся те́пле ко Го́споду, да оградит Це́рковь Свою́ Святу́ю от ду́ха ми́ра сего́, вою́ющаго на сыно́в Ея́ неверием и отвраща́ющаго от богодарова́нныя жизни, дабы́ восходи́ти нам от землі на не́бо и воспева́ти Бо́гу: Аллилу́иа.

Икос 12

Пою́ще твоё прославлéние, преподо́бне, ублажа́ем ты, я́ко мно́гомощна моли́твенника и предста́теля на́шего. Ты же, стяжавый Ду́ха Свята́го и Тем просвети́вый лю́ди землі Америкáнския, услы́ши нас, вопию́щих к тебе́ тако́вая:

Ра́дуйся, моли́тву чи́стую и тепло́ту серде́чную стяжавый;

ра́дуйся, слéз твои́х течéньми пусты́ни беспло́дное возде́лавый.

ра́дуйся, я́ко се́рдце твоё бысть благода́ти Бо́жия испо́лнено.

ра́дуйся, све́том сокровéнным осия́нный.

Ра́дуйся, умом очищенным тайны Божественныя созерца́вый;
ра́дуйся, тишины́ и ми́ра по́мыслов дости́гнувый.

Ра́дуйся, сердца́ Ду́хом Святы́м просвеща́яй;

ра́дуйся, соверше́нство обрети́й и нас к сему́ призыва́яй.

Ра́дуйся, преподо́бне о́тче наш Ге́рмане, пресла́вный
чудотво́рче.

Кондак 13

О, пресла́вный уго́днице Бо́жий, преподо́бне и богонóсне о́тче
наш Ге́рмане, приими́ ма́лое си́е моле́ние на́ше, в похвалу́ тебе́
возно́симое, и предсто́я ны́не престóлу Го́спода Вседержи́теля,
непреста́нно моли́ся о нас, ча́дех твои́х да, пребыва́юще в любви́ и
единомы́слии, навы́кнем всегда́ твори́ти волю́ Бо́жию по слову́
твоему́: «От сегó дне, от сегó часа́ да бу́дем люби́ти Бо́га превы́ше
всегó и твори́ти святу́ю волю́ Его́», и кúпно с тобо́ю сподо́бимся
воспева́ти хвалéбную песнь: Аллилу́иа.

Молитва

О, предивный уго́днице Бо́жий, преподо́бне о́тче наш Ге́рмане,
ты по́двигом до́брым подвиза́лся еси́, хлад и ины́я тягóты в земли́
Алеу́тстей претерпе́л еси́.

Ны́не же испо́лнися сло́во Господне на тебе́, в ма́лом ве́рном
Ему́ бы́вшем, те́мже и поста́ви тя Господь́ я́ко Небэснаго
покрови́теля Цёркве Америкáнския. Мы же вси́ взыва́ем ти те́плою
моли́твою: моли́ся за Цёрковь на́шу Святу́ю, да оградит́ Ю́ Господь́
от темных сил вра́жиих, нас да сохрани́т в чистоте́ и благоче́стии,
да утверди́т в вере́ крёпкой и несумне́нной. И испроси́ всем нам
ду́ха ми́ра и любви́, ду́ха крóтости и смире́ния, горды́ни отгна́ние,
от самопревозноше́ния огражде́ние, боля́щим по́мощь и исцеле́ние,
скорбя́щим утеше́ние, а́лчущим пра́вды духо́вныя пи́щу Небэсную.
Да, улучи́вше жела́емая, обря́щем пра́ведное воздая́ние в день
Стра́шнаго Суда́ и со все́ми святы́ми воспоём и просла́вим
Живонача́льную Трóицу, Отца́ Непости́жимаго, И́стиннаго и
Единоро́днаго Сы́на и Свята́го Уте́шителя́ Ду́ха, во ве́ки. Ами́нь.